

猫

乘

貓乘小引

貓之見於經史者寥寥數事而已其餘則雜出於傳記百家之書南唐二徐競策貓事或二十事或七十事其事皆無可考我

朝錢保勣舍人製雪獅見詠貓詞前後和者不一皆攬撫貓事爲之極徵幽遞僻之能余亦有效顰三闋狡獪伎倆無當於詞家婉約清空之旨因復於讐校之餘指授抄胥採錄積成帙取而治之削繁去冗分門析類釐爲八卷名曰貓乘竊附於相馬經相牛經麟經馳經虎苑虎薈之列雖無關於大道亦著畧

家所不廢也爰授諸梓人以貽好事者或以余爲有  
爲而作如李勝之張明善之譏世夫譏世則非敢然  
然有不勝其自悔而自傷者焉

嘉慶三年冬日囓堠山人書於珍珠泉上小樓

貓乘目錄

卷一 字說 名號 呼喚 孕育 形體

卷二 事

卷三 畜養 調治 瘞埋 迎祭

卷四 捕 不捕 相處 相哺 相乳 義  
報言 化鬼 魑精 怪仙

卷五 種類

卷六 雜綴 圖畫

卷七 文

卷八 詩詞句

貓乘卷一

王初桐編

字說

說文貓狸屬從豸苗聲莫交切

玉篇貓眉朝切俗作貓貓夏田也

廣雅貓武遮切又武交切

唐韻貓

切同說文

韻會韻畧正韻謨交切並音茅

經典釋文貓亡朝切集韻眉鑑切並音苗

本草綱目貓茅苗二音

宋景文筆記迎貓爲食田鼠讀禮者不曰貓音茅而曰貓音苗避俗也

埤雅鼠害苗而貓能捕鼠去苗之害故貓字從苗

五經文字貓猛獸

唐閻朝隱鸚鵡貓兒篇貓不仁獸也

正字通貓陰類也

名號

廣雅貍貍貓也

爾雅翼貓有色似貍者通謂之貍

蜎笑偶書貓一名家狸

粧樓記貓一名女奴

亦見采蘭雜志

格古論貓一名烏圓一名蒙貴

圓或作貝

事物紺珠貓曰狸狴又曰狸奴又曰狻猊

唐餘錄盧樞爲建州刺史月夜聞堂西階下若有人語笑聲躡足窺之見七八人長不盈尺雜坐飲酒久之席中一人曰今夕甚樂但白老將至奈何因歎叱須臾皆入陰溝中不見後數日罷郡新政家有貓名白老旣至自堂西階下獲鼠七八枚皆殺之

西陽雜俎靈武所產貓有名紅叱撥者

記事珠張搏好貓其一曰東守二曰白鳳三曰紫英四曰祛憤五曰錦帶六曰雲圖七曰萬貫皆價值數金次者不可勝數

清異錄僞唐武宗爲穎王時邸園畜禽獸之可人者以備觀玩繪十玩圖其中曰鼠將者貓也

名句文身表異錄後唐瓊花公主自邕角養二貓雌雄各一有雪白者曰御花朵而烏者惟白尾而已公

主呼爲麝香騎姐已

一作崑崙姐已

雲齋廣錄陶穀在輦轂見揭小榜曰虞太博宅失去

貓兒色白小名白雪姑

無牘續編王元翰一條與此同

鐵圍山叢談司馬溫公家有貓曰鱸說文鱸黑虎蓋取其猛而名之非鱸卽貓也

在園雜志明時內官家喜蓄貓各給以美名如純白



者名一塊玉身黑而腹白者名烏雲罩雪黃尾白身者名金鈎掛玉瓶甚至有染色大紅者

應諧錄齊奄家畜一貓自奇之號曰虎貓客說之曰虎不如龍請更名曰龍貓又客說之曰龍升天須浮雲不如名曰雲又客說之曰雲蔽天風能散之請更名曰風又客說之曰大風颺起牆足屏之名之曰牆貓可又客說之曰牆雖固鼠穴之斯圯矣卽名曰鼠貓可也東里丈人嗤之曰捕鼠者貓也貓卽貓耳胡爲自失本真哉

雞林類事貓謂之鬼尼

朝鮮史畧俗稱貓曰高伊

西域同文志同語謂貓爲密什

呼喚

席上腐談貓能自呼其名

聽心齋客問呼貓曰嘯

亦見湘烟錄

事物紺珠呼貓聲曰必必又曰苗

空同子吳州呼雞落落呼豬咄咄呼

馬嘯苗呼  
貓驚呼雀

異識資諧聞人罵聲云貌貌卽貓叫聲陳啟東述聞

人常談詩昨聽鄰家罵新婦聲聲明白喚狸奴

湛淵靜語俗以舌音祝祝可以致犬唇音汁汁可以

致貓

汁汁聲  
類鼠也

攝山志竺庵禪師貓鼠偈云有朝捉得老鼠時大叫一聲妙妙妙

輟耕錄凡唱節病有貓叫聲

野古集飢鼠行痴兒計拙真可笑布被蒙頭學貓叫

孕育

物理小識貓于叫春時按三度卽胎

又凡狗秋生者佳貓春生者佳荒年雌貓求雄不得則以斗盛貓禱於灶前牛糞椎撲三下則胎

本草綱目貓之孕也兩月而生一乳數子有自食之

者俗傳牝貓無牡但以竹箒掃背則孕或用斗覆貓於竈前以刷箒擊斗祝竈神而求之亦孕

問奇集豐城曾尉有貓孕五子一子已生四子死腹中用芒消末取童子小便灌之卽下

田家雜占貓生子皆雄主其家有喜事

雷公炮炙論貓胞衣治反胃吐食

古夫于亭雜錄貓胎衣陰乾燒灰溫酒服之治噎塞疾然貓生子後卽食胎衣必伺而急取方可得空同子貓見寅人則銜其兒走徙其窠

林下詞選朱中相有詠小貓詞

形體

妮古錄貓如小虎無文其色不一善捕鼠嗜魚

羣碎錄張文潛虎圖詩云煩君衛我寢起此蓬華陋  
坐令盜肉鼠不敢窺白晝譏其似貓也

埤雅貓有黃黑白駁數色狸身而虎面柔毛而利齒  
以尾長腰短目如金銀及上齠多稜者爲良

廣西通志土州貓皆柔毛利齒尾長腰短

偃曝叢談貓性畏寒而不畏暑能畫地卜食隨月旬  
上下齠鼠首尾皆與虎同

便民圖相貓法貓兒身短最爲良眼用金銀尾用長

面似虎威聲要喊老鼠聞之自避藏露爪能翻瓦腰  
長會走家面長雞絕種尾大懶如蛇又相貓法口中  
三坎者捉一季五坎者捉二季七坎者捉三季九坎  
者捉四季花朝口咬頭牲耳薄不耐寒毛色純白純  
黑純黃者不須揀若看花貓身上有花又要四足及  
尾花纏得過者方好

揮塵新談貓口內有  
九坎者能四季捕鼠

名醫別錄貓肉味甘酸溫無毒治勞症鼠瘻蠱毒凡  
預防蠱毒者自少食貓肉則蠱不能害

讀書鏡貓犬鑽穴頭可容身卽過矣漢書虞詡疏公  
卿選懦容頭過身蓋以貓犬喻之

太平聖惠方貓頭收斂癰疽

邵真人青囊雜纂鼠咬瘡痛貓頭燒灰油調敷之

潔古真珠囊貓鬼野道病臘月死貓頭燒灰水服

杏林摘要心下鼈瘕黑貓頭燒灰酒服得效方走馬牙疳同

外臺秘要痰厥發喘貓頭骨燒灰酒服

篋中方小兒陰瘡貓頭骨燒灰傅之食物本草治對口瘡

雷公炮炙論貓腦紙上陰乾治癰瘰鼠瘻

五燈會元貓兒洗面自道好

酉陽雜俎貓洗面過耳則客至田家雜占同

埤雅貓旦暮目睛圓及午卽旋斂如一線酉陽雜俎日豎斂如

經脈望曰貓睛可定時子午卯酉如一  
線寅申巳亥如滿月辰戌丑未如棗核

易經存疑貓兒眼中黑睛一日隨十二時改變其歌

曰子午線兮卯酉圓寅申巳亥如棗核辰戌丑未杏

仁全消息之理最明白此見造化之妙處

物類相感志貓兒眼

知時歌云子午線卯酉圓寅申巳亥銀杏樣辰戌丑未側如錢

物理小識貓自番來者有金眼銀眼有一金一銀

志奇南番白胡山出貓睛極多且佳古傳此山有胡

人徧身俱白素無生業惟畜一貓貓死埋於山中从

之貓忽見夢曰我已活矣不信者可掘觀之及掘貓

身已化惟得二睛堅滑如珠中間一道白橫搭轉側



分明驗十二時無誤與生不異胡人恠之夜又見夢  
云埋此於山之陰可以變化無窮中一顆赤色有光  
者吞之得仙胡掘得遂集山人置酒食爲別及吞卽  
有一貓如獅子負之騰空而去至今此山最多貓睛  
一名獅負仙女上元宗獅負二枚卽此元宗藏於牡  
丹鈿合中以驗時亦見娜媛記  
襄陽問評貓狗之目能夜視

宣和畫譜何尊師嘗謂貓似虎獨耳大眼黃不同  
衛生寶鑑貓眼睛治療癰鼠瘻

爾雅翼貓耳經捕鼠之後有缺如鋸

詩傳名物集覽貓鼻端長冷惟夏至一日煖

調言長語夏至日驗貓鼻仍冷及至時刻乃煖

畫史會要畫家稱開口貓兒合口龍言其兩難也

名醫別錄貓牙治小兒痘瘡倒靨

食物本草貓舌治療癰鼠瘻

本草衍義貓涎治療癰刺破塗之

證類本草貓肝治癆瘵殺蠱黑貓肝尤良

輟耕錄元宮中冬月大殿則黃貓皮壁障

酉陽雜俎貓之毛不容蚤虱黑者閭中逆循其毛即

若火星

蜀本草貓皮毛治瘰癧鼠瘻

杏林摘要云  
貓兒皮連毛

潔古珍珠囊鼠咬成瘡貓毛燒灰入麝香少許唾和封之貓鬚亦可

本草拾遺鬼舐頭瘡貓兒毛燒灰膏和傅之

溥濟方鼻擦破傷貓兒頭上毛煎碎唾粘傅之

外臺秘要鬚邊生瘡貓頸上毛研油調敷之

治生寶鑑乳癰潰爛貓兒腹下毛煨成性油調封之意見取貓尿以薑或蒜擦其牙鼻卽遺出

名醫別錄貓尿治蚰蜒諸蟲入耳滴入卽出

衛生寶鑑腰脚錐痛貓屎燒灰唾津調塗

得效方臘咬成瘡貓屎揉之即愈

汪穎曰亦治痘瘡

蜀本草蠟螫作痛貓兒屎塗三五次即瘥

本草拾遺臘貓屎治瘰癧潰爛

蘇恭曰臘月采乾者

本草蒙筌蟲疰腹痛雄貓屎燒灰水服

大觀本草烏貓屎治小兒瘡疾

日華子曰亦治偷糞老鼠

和惠局方麝香痰欬貓糞燒灰湯服

夷堅志全椒縣外二十里有山菴一僧居之獨雇邨  
僕供薪爨之役養一貓極馴每日在傍夜則宿於床  
下一犬尤可愛俗所謂獅狗者僧常遣僕買鹽際暮  
未返凶盜乘虛抵其處殺僧而包裹鉢囊所有出宿  
於外此犬竊隨以行遇有人相聚處則奮而前視盜  
俾盜行又隨之市多識菴中大且訝其異卽與俱還  
菴僧已死時正微暑貓守卧其傍故鼠不加害執盜  
赴獄遂刑

雁門野說江南二徐大儒也後主岐王六歲時戲佛  
像前有大琉璃餅爲貓所觸劃然墜地因驚得疾薨

後漢書卷二  
詔錯爲王墓志兩日矣錯謂鉉曰文意雖不引貓兒  
事此故實頗記否鉉因取紙筆疏之不過二十事錯  
曰未也適已憶七十餘事鉉曰楚金大能記明旦又  
云夜來復得數事兄撫掌而已

咸平錄朱沛好養鴉鵒一日貓捕食其鴉沛乃斷貓  
之四足貓轉堂室之間數日乃死他日貓又食其鴉  
又斷其足前後所殺十數貓後沛妻連產二子俱無  
手足

稽神錄建康某畜一貓愛之甚貓死某攜棄秦淮中  
旣入水貓乃活某下救之遂溺死而貓登岸走金烏

鋪吏獲之縋而鑄之鋪中鎖其戶出白官將以其貓爲証旣還則已斷索啣壁而去

至大金陵新志溫湯元方修合時切忌貓犬見

淵鑑類函盧仙姑詣蔡京見大貓蹲踞榻上撫貓背而問京曰識之否此章淳也其意蓋以諷京

文獻通考陳無已每索句卽卧一榻以被蒙首惡聞人聲謂之吟榻家人知之卽貓犬皆逐去

後村集楊通老移居圖一童子背貓

獨醒雜志東安一士人善畫作鼠一軸獻之邑令令懸於壁旦而過之軸必墜地令怪之黎明物色軸在

地而貓蹲其旁逮舉軸則踉蹌逐之以試羣貓莫不  
然者始知其畫爲逼真

癸辛雜識同國婦女以鳳仙花染貓爲戲

何氏語林王舒王越國吳夫人有潔疾見貓卧衣笥  
中卽叱婢揭衣置浴室下竟腐敗無敢收者

五燈會元池州南泉普願禪師因東西兩堂爭貓兒  
師通之白衆曰道得卽救取貓兒道不得卽斬却也  
衆無對師便斬之趙州自外歸師舉前語示之州乃  
脫履安頭上而出師曰子若在卽救得貓兒也  
指月錄道州狗子無佛性也勝貓兒十萬倍



建炎以來朝野雜記紹興壬子詔求宗室入宮備選  
得二人焉一肥一癯乃留肥而遣癯忽一貓走前肥  
者以足蹴之思陵曰此貓偶爾而過何爲遽踢之輕  
易如此安能勝重耶遂留癯而遣肥癯卽孝宗也  
劍南詩彙俗言貓爲虎舅教虎百爲惟不教上樹  
五燈會元貓兒會上樹

湖湘野錄真淨和尚頌曰五白貓兒爪距獐養來堂  
上絕蟲行分明樹上安身法切莫遺言許外甥

省心錄蘓子由嘗爲黃白術密室中置大爐將舉火  
見一大貓據爐而湯須臾不見子由遂不復講亦見孫公

談圖

傳奇成自虛雪夜於東陽驛寺中遇苗介立吟詩曰  
爲慙食肉主恩深日晏蟠蛻卧錦衾且學志人知白  
黑那將好爵動吾心次日視之乃一大駿貓兒也

范蜀公記事馬鞭擊貓節節斷折

陸游曰筇竹杖擊狗亦然

輟耕錄木八刺與妻對飯妻以小金鑰刺嚙肉將入口門外有客至妻不及啖且置器中起去治茶比回無覓金鑰處時一小婢在側執作意其竊取拷問萬端終無認辭竟至殞命歲餘召匠者整屋掃瓦甍積垢忽一物落石上有聲取視之乃向所失金鑰也與

朽骨一塊同墜原其所以必是貓來偷肉故帶而去婢偶不及見耳

農田餘話李瑛與家人飲酒妻以所插金篋揭肉而食偶有客至瑛出迎妻速入厨具茶飲客去尋向之金篋無有也疑爲一女奴所盜杖之致死久之家人與里巷會茶中有一老婦人首插金篋熟視之乃向之所失物也詢之是買于一丐者及問丐者之所來云于某整屋瓦合漏中得之蓋是時有肉在篋上爲狸奴啣去墜于彼也

傳燈錄南泉和尚云甘贄行者設粥請大眾爲狸奴

白牯念摩訶般若波羅密甘乃禮拜

又僧問南泉禪師云狸奴白牯却知有爲什麼却知有師曰汝怎怪得伊

義山雜纂貓煖處便住

王銍雜纂續易圖謀鄰舍貓愛便宜養雌貓

韋居聽輿十二宮神鼠居子位神宗生戊子鼠爲本命而當年未聞禁蓄貓

玉堂閒話范賢家常有燕巢於舍下雛已哺食矣其雌者爲貓所得雄啁啾久之方去卽時又與一燕爲匹而至哺雛如故不數日雛相繼墮地而殪蓋爲繼

偶者所害

俞德麟燕貓行飢貓攫燕欲何爲汝貓不仁燕何罪

瀛涯勝覽法祖兒國阿丹國榜葛刺國皆有蓄貓

夷堅志自鄧渚至襄陽七百里長塗荒寂有虎精者素爲人害乾道六年江同祖早行忽見一婦人在馬前雙目絕赤抱小狸貓乍後乍前相隨逐不置將弛擔乃不見江心念豈非所謂虎精者乎江還舍且一月間門外金鼓叫譟聲士庶環集者幾千數出觀之則彼婦也問其故皆言南市人家連夕失猪并小兒甚多物色姦竊無有也獨小客店內此婦人單身僦止經三旬矣而未嘗烟爨囊無一錢但謹育一貓望

其吻時有毛血沾汚疑必怪物是以邏執送府旣入  
郡郡守不忍窮治押出竟

程史岳珂家素蓄一青色貓善咋鼠一日正午出門  
卽逸去購求竟不獲客有知閭里之姦者言和寧門  
有肆號曰鬻野味皆貓犬肉也夜冒犬負而趨若貓  
則皆晝攫都人居淺隘貓或嬉敖於外一見不復可  
遁夜則入于和寧之肆無遺育焉

烏衣香牒元貞二年雙燕巢於柳湯佐之宅一夕家  
人舉燈照竭其雄驚墮爲貓所食雌徬徨飛鳴不已  
朝夕守巢哺諸雛成翼而去明年雌獨來復巢其處

人視巢生卵疑其更偶徐伺之則抱雛之殼耳

七修類稿杭州城東真如寺宏治間有僧曰景福畜一貓日从馴熟每出誦經則以鎖匙付之於貓及回時擊門呼其貓貓乃含匙出洞交主也或他人擊門無聲或聲非其僧求不應

文安集范元亨爲桂陽令桂陽民白有盜其牛者蹤跡無所得方疑所捕二貓噉牛耳鳴號于庭求貓主索之果得牛

應菴任意錄貓喉腹中作拽鋸聲俗謂之貓念佛

玉芝堂談薈三宣慰中有妖術曰卜思鬼婦人習之

夜化爲貓犬行竊人家

臞仙肘後經淨貓如閤猪斂雞

明史紀事本末噍穴之鼠不復畏貓

五燈會元問凡聖同居如何曰兩箇貓兒一箇獐

異林寧波胡宏精卜筮術有一人家暴富心疑之宏  
爲設卦曰家有狸奴走入室是其祥也曰然曰狸奴  
形必大可稱之得幾斤曰七斤許曰富及七載狸奴  
當去及期狸果去家貧如初

金壇縣志鄧某善飲啖每一飯豚鷄鴨數十觔後  
食貓肉卽不能多食識者謂其腹有肉鼠鼠見貓卽



死故不能多食也

月河所聞有膽弱人宿嚴氏外樓蒙被而卧忽聞樓板上橐橐聲心慄焉以爲鬼來矣俄而聲漸遠榻客大駭躍起持被撲鬼而裸踞其上達曙視之則其家捕鼠狸也

摩訶上觀治時媚鬼者須善識十二時三十六時獸如子有三貓鼠伏翼丑有三牛蟹鼈知時喚名媚卽去也

類證普濟本事方有一貴人病瘵合神傳膏將服爲貓覆器不得食

瓶花譜瓶花之忌有六其一曰貓鼠傷殘

五燈會元祖印禪師上堂纔坐忽有貓兒跳上身師提起示衆良久拋下貓兒便下座

指月錄牡丹花下睡貓兒

輟耕錄平江葉氏門首有一枯井偶所畜貓墜入適隣家浚井遂與井夫錢一緡俾其取貓夫父子諾相繼入井皆不出蓋久涸結陰毒也

柳南隨筆蘄州張氏能聚羣鼠觀者日至輒投以錢家貧賴以稍裕後有無賴懷一貓以往羣鼠應呼而出擲貓啖其一餘俱驚避後竟不出

堅瓠集張雲養一貓常帶之同行至一察院夜有白衣人向張求宿被貓一口咬死乃一大白鼠

筠廊偶筆前朝大內貓犬皆有官名食俸中貴養者常呼爲貓老爺

靜志居詩話王叫生爲如皋令癖愛狸奴見其面空撲蝶俛仰可觀遂令百姓捉蝶有罪者許蝶贖

玉芝山房稿附錄茅鹿門遊學餘姚寓錢應坤家錢有美婢夜至書室呼貓笑曰小貓不見只見大貓牽茅衣戲之茅正色叱去

觚曠隴西刺史雅善彈琴每于月亭松閣興至揮絃

其侍姬宋粟兒輒攜小狻猊以從

見聞紀訓有楊姓者坐於門見一婦人過墜銀簪于街石上伺其去遠就視之但見蚯蚓俄一男子過其所俯拾之楊老曰此吾所墜簪也其人知其僞徑去楊老隨而牽其衣不釋其人乃取銀二分以一買魚一尾以一付之曰將此錢沽酒養魚作一夜消可也楊老乃歸置魚釜上買酒一壺令其媳煮魚煖酒間忽隣貓突跳釜上媳以杖撲貓貓竟銜魚去因覆其酒而併盛魚器碎焉

委巷叢談杭人于冬至後數九以紀氣候有云八九

七十二貓狗尋陰地

亦見吳下田家志

蘭畹居清言湛甘泉拆毀庵觀有尼題詩於壁云分付犬貓隨我去休教流落俗人家

未齋雜言盱江之上有曾氏者夜聞貓吼甚亟燭之爲鼠嚙其尾也

錦繡萬花谷有詠詩者云盡日覓不得有時還自來本謂詩之好句難得耳而說者曰此是人家失却貓兒詩也人皆以爲笑

在園雜志徐州產鼠一種較鼠形差小遇貓則以嘴扭其鼻貓伏不能動

隨園詩話鄭泰和有愛貓之癖督學河南按臨商邱  
畢出署失一貓嚴檄督縣捕尋令苦其煩用印文詳  
報云卑職遣幹役四人挨民家搜捕至今逾限憲貓  
不得

醫學正傳貓咬用薄荷汁塗之

本草拾遺貓咬成瘡雄鼠屎燒灰油和傅之

貓乘卷三

王初桐編

畜養

茶烟閣體物集吳俗以鹽易貓

延休堂漫錄納貓吉日甲子乙丑丙午丙辰壬午庚午庚子壬子宜天德月德生氣日忌飛廉日

廣諧史貓犬無故入家中如已養者主大富貴

田家雜占諺云猪來貧狗來富貓兒來開質庫

雪濤談叢諺云貓來孝家博士張宗聖解之曰家多鼠蟲爲耗故貓來孝乃耗之訛非貓能兆孝也

南部新書連山張大夫搏好養貓衆色備有皆自製

佳名每視事退至中門數十頭曳尾延頸盤接而入以綠紗爲帷聚其內以爲戲或謂搏是貓精

誇里脞脫有蔡姓者隱會稽山中養貓千頭呼之卽來遣之卽去時人謂之貓仙

飛燕外傳婕妤上皇后物有含香綠毛狸藉一鋪埤雅貓亦如虎畫地下食俗謂之鼠卜

蜀本草黍米緩人筋小貓食之其脚踟屈黍陳藏器作糯

武林市肆記小經紀有貓窩貓魚

夢梁錄凡宅舍養貓則每日有人供魚鱠

留青日札貓食黃魚鱸



入蜀記過楊羅汭皆巨魚欲覓小魚飼貓不可得

瑯琊曼衍蜘蛛香出蜀中草根也貓喜食之

埤雅貓以薄荷爲酒食之卽醉

黃一正曰虎食狗貓食薄荷雉食山蘭花

雀食木鼈鳩食桑椹雞食蜈蚣蛇食茄俱醉

清異錄李魏求道雪竇山中畦蔬自供日進醉貓三餅謂以蔣蘿薄荷搗爲餅也

郁離子貓食魚雞食蟲性之所耽不能絕也

醫壘元戎張天師草還丹將藥拌飯與白貓食者一月黑

在園雜志明內官家飼貓之器皿用上號銅質製造

今宣爐內有貓食盆者是也

王銍雜纂續不得憐偷食貓兒

蘇軾雜纂二續改不得偷食貓兒

物類相感志雞喫貓飯能啄人

田家雜占貓兒喫青草主雨

物類相感續志燂炭餅中安貓食夏月亦不臭

事物紺珠貓犬吐曰吮

### 調治

野獲編京師六月六日浴貓犬於河

宋氏樹畜部小貓叫不絕聲者陳皮末塗之則不叫  
甘草食之則就死

多能鄙事貓有病以烏藥水灌之甚良

授時通考貓煨火疲悴用硫黃少許入猪湯中炮熟  
餵之或入魚湯中餵之亦可小貓被人踏死用蘓木  
濃煎湯濾去粗灌之

扣鉢齋纂貓生蝨以桃葉棟樹根擦之則死

瘞埋

種樹書欲引竹過牆以死貓埋牆外則竹盡向貓行

埤雅廣要云  
死貓引竹

笱譜偷笱者埋貓於墻下明年笱迸過矣

埤雅貓死不埋於土掛於樹上

後山謠叢廬州有坐化貓

五燈會元問世間甚麼物最貴曰死貓兒頭最貴曰  
爲甚麼死貓兒頭最貴曰無人著價

明史嘉靖中帝蓄一貓死命儒臣撰詞以醢袁煒詞  
有化獅作龍語帝大喜悅

耳談嘉靖中禁中有貓微青色惟雙眉瑩潔名曰霜  
眉善伺上意凡有呼召或有行幸皆先意前導伺上  
寢株楸不移上最憐愛之後死勅葬萬歲山陰碑曰  
虬龍冢

懷麓堂集方石惠貓忽被踏以死瘞而悼之

觚臙合肥宗伯所寵顧夫人性愛狸奴有字烏員者  
日於花欄繡榻間徘徊撫翫珍重之意踰于掌珠飼  
以精粢嘉魚過饜而斃夫人惋悵累日至爲輟膳宗  
伯特以沉香斲棺瘞之延十二女僧建道場三晝夜  
甌江逸志平陽靈鷲寺僧妙智畜一貓每遇講經輒  
於座下伏聽一日貓死僧爲瘞之後瘞處忽生蓮花  
衆發之花自貓口中出

### 迎祭

禮記郊特牲迎貓爲其食田鼠也

文苑英華牛僧孺譴貓云伊祈氏季春迎貓

禮記義疏孔穎達曰八蜡有貓虎徐師曾亦云

大學衍義補蔣軾曰迎貓則貓爲之尸迎虎則虎爲之尸近於優所爲是以雜記子貢言一國之人皆若狂也

爾雅翼古者蜡禮迎而祭之故說者曰蜡蓋三代之戲禮也祭必有尸貓虎之尸誰當爲之非倡優而何夫貓虎雖能食田豕田鼠然所以主此者蓋必有神於此詩曰去其螟螣及其蠹賊無害我田穉田祖有神秉畀炎火夫去螟螣蠹賊而畀之炎火者人亦然必曰田祖有神相之耳今去田鼠田豕者雖貓虎也

然所以使鼠豕得去者豈無神以主之耶迎貓虎以祭其所主之神固自有尸則不爲戲矣然則貓虎所主者何神曰當屬田祖

舊唐書禮儀志祭五方之貓於菟各用少牢一

開元禮於菟貓等俱散樽二各設於神座之右而左向祝文曰貓於菟諸神咸饗

文昌雜錄詳定禮文每方於菟貓並如故事

荆川文集迎貓迎虎何爲也惟天地之生成百穀雖一貓虎亦使之盡其能於食鼠食豕之間而無遺利焉於此見天地之功爲甚大人欲報天地之功而無

由則雖貓虎之效一能於天地者亦秩之祀而無遺  
靈焉於此見人之所以報天地之功者爲甚深



貓乘卷四

王初桐編

捕

夢書夢貓捕鼠者主得財

尸子雞司夜狸執鼠

韓子使雞司夜令狸執鼠

孔叢孔子鼓琴閔子聞有幽憂之聲曰何戚若是孔

子曰見貓捕鼠欲其得之故爲之音也

莊子子獨不見狸狌乎卑身而伏以候敖者又云騏

驥驂騑一日而馳千里捕鼠不如狸狌

東方朔曰良馬捕鼠曾不

如跛貓劉向曰不如百錢之狸

尹文子使牛捕鼠不如貓狌之捷

柳州集永某氏者生歲值子因愛鼠不畜貓倉廩庖厨悉以恣鼠鼠態萬狀及徙居他州後人來居鼠爲態如故其人假五六貓羅捕殺鼠如邱

詩傳名物集覽蠶時村人蓄貓驅鼠謂之蠶貓

事物紺珠便嬖厭目曲脊逆色俱言貓捕鼠狀

朝野僉載李嵩李全交王旭爲御史京師號爲三豹被追者每相謂曰縛鼠與貓終無脫日

三朝野史宋理宗祀明堂徐清叟爲執綬官玉音問曰貓兒捕鼠如何荅曰愛之欲其生惡之欲其死理宗本命屬鼠一時不覺觸矣上亦不之咎

蘇軾上神宗皇帝書養貓以捕鼠不可以無鼠而養

不捕之貓

羅大經曰余謂不捕鼠猶可也不捕鼠而捕雞則甚矣疾視正人必欲盡擊之非捕

雞乎張養浩曰

貓之捕豈必物物皆鼠見其可適於口者無不捕也若貓以捕非其鼠而逐將見鼠不勝其繁而貓不勝其屈矣

勝其屈矣

南唐近事李後主童謠云索得娘來忘却家後園桃

李不生花豬兒狗兒都死盡養得貓兒患赤瘕娘謂

李主再娶周后猪狗死謂祚盡戊亥年赤瘕目病貓

有目病則不能捕鼠謂不見丙子之年也

程史市貓于隣卜日而致之將以昨鼠也鼠暴未及

問而首決雕籠以噬鸚鵡可乎

陳止齋集貓之善捕鼠者曰常睡終日跳擲者必不捕鼠

華嚴經譬如貓狸纔見於鼠鼠卽入穴不敢復出

郁離子趙人患鼠乞貓于中山中山人予之貓善捕鼠及雞月餘鼠盡而其雞亦盡其子曰盍去諸其父曰吾之患在鼠不在乎無雞若之何而去貓也

西山讀書記貓之捕鼠四足據地首尾一直目睛不瞬心無他念惟其不動動則鼠無逃矣

五燈會元普照禪師曰貓有歆血之功

又黃龍謂泐潭曰子見貓兒捕鼠乎目睛不瞬四足

踞地諸根順向首尾一直掇無不中

又問貓兒爲甚麼偏愛捉老鼠曰物見主眼卓豎  
古諺貓兒哭老鼠假慈悲

方洲集貓得鼠弗能遽死噉嚇作聲俟其革骨脫簾  
方能食之

太倉稊米集鼠黠猾而多貪貓懦弱而好殺之二物  
皆輕捷善走而鼠遇貓鮮有脫者則以鼠視短也  
袁中郎集饑貓見鼠躡身疾趨

湖海搜奇衍聖公庾廩中有巨鼠爲暴狸奴被啖者  
不可勝數一日有西商攜一貓至索價五十金曰保

爲公殺此貓入廩穴米自覆而露其喙鼠行其旁嗅之貓躍起嚙其喉鼠哀鳴跳躍上下於梁者數十度貓持之愈力遂斷其喉貓以力盡俱斃明日驗視鼠重三十餘觔公乃如約酬商  
物理小識貓亦捕蛙及魚

不捕

鳥獸續考北人云貓不過揚子江金山言貓過金山則不復捕鼠厭者至金山時剪一紙貓投水中則不忌昔韓克贊嘗於汝寧帶回一貓過江果不捕鼠  
五燈會元法遠圓鑒禪師曰寒貓不捉鼠

徐氏筆精貓不捕鼠者名麒麟貓有味

林希逸戲號麒麟貓詩不

曾捕鼠祇看鼠莫是麒麟誤托生

揮麈新談彬師善謔嘗對客貓居其旁彬曰雞有五德吾此貓亦有之客問其說曰見鼠不捕仁也鼠奪其食而讓之義也客至設饌則出禮也藏物雖密能竊食之智也初冬必入竈信也客爲絕倒

夷堅志桐江民豢二貓愛之甚一日鼠竊瓮中粟不能出乃攜一貓投於瓮鼠跳躑上下呼聲甚厲貓熟視不動久之乃躍而出又取其次方投瓮亦躍而出桐江民恥之

粵述鼠之橫無過於粵而貓之昏庸猥惰亦無過於粵蓋其地使然非盡物之咎也

李俊民莊靖集羣鼠爲耗而貓不捕詩

自注唐公昉得神丹澤家

昇天雞犬皆去惟鼠空中自墜腸出今山下有拖腸鼠束廣微所謂唐鼠

### 相哺

宋史郡陽民家一貓帶數十鼠行止食息皆同如母子相哺者民殺貓而鼠舐其血

### 相處

舊唐書五行志龍朔元年涪州貓鼠同處

圭齋集附錄延祐元年元家貓犬樂相哺



# 相乳

唐書李迥秀家犬乳隣貓中宗以爲孝感

通鑑綱目朱泚軍中貓鼠相乳宰相常袞率羣臣賀

崔祐甫曰可弔不可賀因獻貓鼠議

舊唐書朱泚言隴州將趙貴家

貓鼠同乳詔遣示於朝崔祐甫上言代宗嘉之南部新書畧同金鑒子曰貓鼠同乳怪甚矣

說儲貓鼠同乳異甚同處唐玄宗代宗文宗時見

江湖長翁集龔養正家二貓產七子同一棲一出則

一留留者均乳之

玉堂集王太僕家蓄二貓一狀類獅子一斑類玳瑁

各產四子銜置一棲互乳

懷麓堂集陸君美兄弟兩家各蓄一貓貓各產三子  
皆銜至堂中互乳之每一出一必代乳

義

訥菴偶筆有人病膈每食輒吐一貓在其前吐出之  
食貓遂食之後卒貓於棺前哀鳴七日不食死

續文獻通考姑蘇齊門外一小民負官租出避家獨  
一貓催者持去賣與閭門徽鋪客年餘小民過其地  
人叢中貓入其懷鋪中人奪之去悲鳴不已至夜小  
民卧舟中聞篷間有聲視之貓也口銜一綾悅悅內  
有金五兩餘人謂之曰義貓

亦見中  
吳紀聞

徐岳見聞錄山右富人畜一貓其睛金其爪碧其頂  
朱其尾黑其毛白如雪富人畜之珍甚里有貴人子  
見而愛之以俊馬易不與以愛妾易不與以千金購  
不與陷之盜破其家亦不與因攜貓逃至廣陵依於  
巨商家亦愛其貓百計求之不得以鴆酒毒之貓卽  
傾其酒再斟再傾如是者三富人覺而同貓宵遁遇  
一故人匿于舟後渡黃河失足溺水貓見主人墮河  
叫呼跳號撈救不及貓亦投水與波俱汨是夕故人  
夢見富人云我與貓不死俱在天妃宮中天妃水神  
也故人明日謁天妃宮見富人屍與貓俱在神廡下

買棺瘞之埋其貓于側

樂陵縣志觀音寺僧畜一貓性甚馴而文彩特異忽數月不見既乃歸後寓寺中南人販茶者至貓怒視之乘其浴齧其足拇不解僧急撲之客曰勿怪也吾持之以去渡黃河時失之不意其千里自返也人稱義貓張謇爲之記

報

酉陽雜俎李和子性忍常攘貓犬食之常臂鵠立於衢見二人紫衣呼曰公非李和子乎冥司追公因探懷中出一牒印窠猶濕見其姓名分明爲貓犬四百

六十頭論訴事和子驚懼棄鵠子拜祈之且曰必爲  
我暫留鬼固辭不獲已曰君辦錢四十萬爲君假三  
年命也和子遽歸貨衣具楮焚之及三日和子卒鬼  
言三年蓋人問三日也

夷堅志庖婢慶喜置兔腊於厨爲貓竊食而遭主母  
責罵不勝憤憤擒貓擲于積薪之上適有木父正與  
腹值簽刺洞過腸胃流出呼彌一晝夜而絕後一歲  
此婢因暴衣失脚仆地爲銛竹片所傷小腹穿破灑  
血被體次日而亡蓋貓報也

夷堅附錄唐僧之長子偶自外挈市脯一塊入室旋

爲貓所啖及酒煖脯失之床畔一缺火匙隨手卽將其貓一擊而斃是晚僧子卽得病立見其貓不離左右半夜叫嚎而亡

矩齋雜記一村農蓄貓色純黑貓傍爐火熟睡遂鎔錫叶口灌之取其皮爲冠數日後忽大呼貓齧我喉喉舌塞不下食而死

灤陽消夏錄某夫人喜食貓得貓則先貯石灰於罍投貓于內而灌以沸湯貓爲灰氣所蝕毛盡脫落不煩搗治血盡歸于臟腑內白瑩如玉云味勝雞雛十倍也後夫人病危啾啾作貓聲數十餘日乃死

又一宦家子好取貓犬之類拘其足捩之觀其子子跳號以爲戲所殺甚多後生子女皆足踵反向

言

北夢瑣言左軍容使嚴遵美一日發狂手足舞蹈旁有一貓一犬貓忽謂犬曰軍容改常也犬曰莫管他俄而舞定自異貓犬之言遇昭宗播遷乃求致仕竟免於難

陶宗儀曰今人謂易其所守爲改常蓋本於此

續墨客揮犀郡陽龔紀應進士舉其家衆妖競作召女巫使治之有一貓正卧爐側家人指謂巫曰吾家百物皆爲異不爲異者獨此貓耳於是貓亦人立拱

手而言曰不敢巫大駭馳去數日捷音至知妖異未  
必盡爲禍也

化

稽神錄王建稱尊於蜀其雙臣唐道襲爲樞密使夏  
日在家會大雨其所畜貓戲水於檐下稍稍而長俄  
而前足及檐忽雷電大至化爲龍而去

鬼

隋書外戚傳獨孤隋性好左道其外祖母高氏先事  
貓鬼轉入隋家會獻皇后及楊素妻鄭氏俱有疾召  
醫視之皆曰此貓鬼疾也上以隋后之異母弟隋妻



楊素之異母妹由是意陀所爲令推案之陀婢徐阿尼言事貓鬼每以子日夜祀之子者鼠也其貓鬼每殺人所死家財物潛移於畜貓鬼家陀嘗從家中索酒其妻曰無錢可酤因謂阿尼曰可令貓鬼向越公家使我足錢阿尼便呪之居數日貓鬼向素家後上初從并州還陀於園中謂阿尼曰可令貓鬼向皇后所使多賜吾物阿尼復呪之遂入宮中楊遠遣阿尼呼貓鬼阿尼于是夜中置香粥一盆以匙扣而呼之曰貓女可來無住宮中从之阿尼面色黃青若被牽曳者云貓鬼已至上賜隨夫妻死

金谷園記隋文帝開皇十八年五月禁畜貓鬼蠱毒  
厭昧野道者

朝野僉載隋大業之季貓鬼事起家養老貓爲厭魅  
頗有神靈遞相誣告被誅戮者數千餘家

唐律疏義畜貓鬼者流三千里

邵真人青囊雜纂貓鬼老狸野物之精變爲鬼域依  
附於人人畜之以毒害人其病心腹刺痛食人臟腑  
吐血而死

古今錄驗方妖魅貓鬼病人不肯言鬼以鹿角屑搗

末水服卽言實也

保生錄同

千金方貓鬼野道用相思子蓖麻子巴豆各一枚硃砂末蠟各四銖合搗丸服之卽以灰圍患人面前着火中沸卽書一十字於火上其貓鬼者死也

外臺秘要貓鬼野道歌哭不自由五月五日自死赤蛇燒灰并華水服

### 魑

夷堅志臨安周五之女美容忽若有所迷晝眠則終日不寤夜則達旦忘寢每到晚必洗粧再飾更衣一新中夜昵昵如與人語父母以爲憂有羽三者問其故周具告之羽曰此貓魑也運法劍斬其首女豁

然醒魑逐絕

精

潔古珍珠囊用蠶豆四十九粒陰陽水浸端午時呪之埋室西北地下令貓踞其上七日化爲貓精

夷堅志顧端仁秀才未娶妻一日恍惚間見一少女顏貌光麗從外入逕造其前秀才以墮溺色愛殆如癡人而女子每夕必至其父疑懼率之投黃法師黃曰此必貓精也當爲誅絕書三符授之其夕女不至經數月復來咄曰汝太無情使黃法師害我今三符皆在我手矣秀才迷疾而殂

怪

說聽金華貓畜之三年後每于中宵踰踞屋上仰口對月吸其精華从而成怪逢婦則變美男逢男則變美女凡遇怪者日久成疾夜以青衣覆被上遲明視之若見毛必潛約獵徒率犬至家捕貓剝皮炙肉以食疾者方愈若男病而獲雄女病而獲雌則不治矣府庠張廣文有女年十八殊色也爲怪所侵髮盡落後捕得雄貓始瘳

子不語靖江張氏婢美有綠眼人戲之每交合其陰如刺痛不可忍張疑爲貓怪廣求符術不能制旣而

雷震死一貓大如驢

仙

山川記異河南永寧天壇山中巖有仙貓洞世傳燕  
真人丹成雞犬俱昇仙獨貓不去人嘗見之就洞呼  
仙哥則聞有應者亦見圖書編又元好問仙貓洞詩  
自注是日兒子叔儀呼貓聞有應  
者